



國家清史編纂委員會・文獻叢刊

# 清代詩文集彙編

國家清史編纂委員會・文獻叢刊

# 清代詩文集彙編

《清代詩文集彙編》編纂委員會 編

上海古籍出版社

# 清代詩文集彙編 七七七

那處詩鈔四卷 蔣楷撰

一

白雨齋詞存一卷 白雨齋詩鈔一卷 陳廷焯撰

四五

後樂堂集十九卷（文鈔九卷詩存一卷 文鈔續編九卷） 陳玉澍撰

六七

勸堂文集八卷 附詩集一卷 聯語錄存一卷 顧家相撰

三三五

勸堂樂府一卷 附錄一卷 顧家相撰

四一五

張季子詩錄十卷 張謇撰

四三七

張季直文鈔二卷 張謇撰

五一三

古歡室詩詞集四卷（詩集三卷 詞集一卷） 曾懿撰

五六三

范伯子詩集十九卷 范當世撰

六〇七

范伯子文集十二卷 首一卷 附一卷 范當世撰

七二七

荆門蔣則先著 玉畊署

那處詩鈔

那音諾今讀  
如汝地名那易口

那處詩鈔

蔣則先先生著

那處詩鈔

陳榮昌題



宣統辛亥  
刻於濟南

那處詩鈔目錄

第一卷

古近體詩一百十二首

第二卷

古近體詩一百十三首

第三卷

古近體詩八十五首

第四卷

古近體詩一百十八首

向鈔則先先生五七言絕句百有餘首將以付之手民

那處詩鈔

卷一 目錄

一

先生力止之且曰詞莫難於小令以其爲詩之遺也詩莫難於五七言絕句以其爲國風之遺也余詩不足存存適爲世所姍笑耳清乃薙去大半並先生古詩律詩擇而鈔之以未出山前爲第一卷釋褐後攝莒州遷東平隸待缺沛南爲第二卷自再牧東平除莒州移平原爲第三卷南旋復出隸牧濮州爲第四卷至入都以後詩清未能盡覩鈔輯之事俟諸異日其俾那處者春秋左氏傳楚子遷權於那處釋文那何反先生世居士迴橋橋東始通舟楫入湖之口至今猶曰那陽口今直隸如洛蓋那之高郵先生嘗以名其居云宣統三年春受業周清海門識

那處詩鈔第一卷

荆門蔣 韻則先

雜言

今日之穀前日芽今日之實前日花平地築成亦大厦黃金不揀終泥沙荒田不治孰爲禾麻流泉不匯孰爲江河伏靈入土化琥珀散絲上機成綺羅玲瓏萬竅石漱水舒卷一氣雲生霞不碾不除米外稻不磨不去玉中瑕刻成始知鵠非鷺妝就益顯嫵與娃驚馬不住足能及千里矚寶刀不開口不能屠犬猥君不見踟躕縮縮牆上蝸茫茫昧昧井底蛙鵬一舉九萬里夸父力逐羲和車

那處詩鈔

卷一

一

詠雲

與世本無與悠然長在山偶因天下出應到雨餘還

七噫詩九首

混沌豁然開連綿十二紀有如昏與昕各自爲終始今我蝨其間太倉一稊米古人先我生來者後我死後死杳難知先生傳有幾冥然浮漚消志土似不爾

欲從神仙入往徠霄漢聞日月所出入乃在昆侖山上有碧

落府下有黃河源大椿五百歲蟠桃三千年嗟余本俗士苟

蔓相糾纏五窮送不去鍊骨無金丹

浮屠聞心性高論從西來無家大自在不殺真慈悲一孔萬

寶塔兩乳千嬰兒淨土有緣法舍利生光輝嗟余覽象教紅黃多紛歧牟尼久不作孰挽狂瀾迴

貧賤難久居去作洛陽賈小兒習商工大兒學句股揮手千黃金開口五雜俎妻妾盛綺羅浹旦猶歌舞嗟余少業儒一介慎取予忽焉易所操市僧羞與伍

末富資商賈本富惟農桑使欲挈婦子買田南山陽桃李千萬樹榆柳兩三行養魚恣饗餐種秫供酒漿嗟余懷野芹猶思貢廟堂未能自操作躬爲田舍郎

丈夫志四方翻身到絕域朝矜赤眉羣莫殺黑山賊雲塞天地白日慘無色黃河障不流逆骸滿溝壑嗟余有老親莽那處詩鈔

卷一

二

水供晨夕焉能從戎行萬里達行役

聲言久歇絕朝董興西京有唐逮宋氏代起韓歐陽長鯨掉滄海威鳳排天閭肝腎嘔欲出無人相顧頽嗟余生也晚末由闕與堂數公自千古傳世非文章

絕迹三百篇繼響十九首自從蘇李來古調不彈久唐興李杜韓詩人三不朽氣骨天所鍾性情我自有嗟余所欲言已出古人口先施天下尤效顰祇形醜

從衡志不就慧業難乎難有力不自食何事空立言長物世無有朝夕惟一編論世辨王霸扶經求聖賢賈耽蕭六合不亦甘林泉隨處得真趣烏用紛紛然

襄陽雜詠三首

大晉山河報曾無寸土留爲逢羊叔子一淚亦千秋墮淚碑  
安穩樓船下江陵仗阿誰欲來千尺綆潭下起沉碑沉潭碑  
癡絕金樓子秦書火再然網羅兼八代應讓乃兄傳文選樓

答文江

雙鯉銜來尺素書書中惟問近何如祇今烈士心難已到底狂奴態未除風露九天唳妖鳥波濤萬里蹴鯨魚乾坤整頓須豪俊莫枉精神賦子虛

雪中憶姚受三三益

漫天飛絮舞成團廣莫風來料峭寒天下更無洛陽令誰知

那處詩鈔

卷一

三

雪裏臥袁安

黃鶴樓

健士湖湘起封狼不敢留己平郊外壘又見古時樓有地神仙住無聲江漢流夷艘來往慣祇益杞人憂

黃鶴樓用少陵岳陽樓韻

今夕復何夕浩然登此樓關山三楚合星斗一江浮名利市朝客往來吳蜀舟憑軒一裏古萬事水東流

明妃怨

未見君王面曾經侍下陳愁來頻覽鏡不是畫中人  
閨情五首

身外曾分鏡裏身，憐卿憐我兩情真。江南處處生紅豆，羞把相思擲與人。

畫上形容比並看，肥於飛燕瘦於環。一生能有愁多少，爲黛朝朝蹙遠山。

秋夜淒清冬夜長，不知刀尺爲誰忙。何時卻嫁金龜婿，聽取雞鳴自理妝。

破鏡何曾似月圓，空將三五說華年。姮娥也是人間女，偷得靈丹便上天。

莫道多情便是仙，仙人一樣別經年。從今不乞天孫巧，巧極終難巧過天。

那處詩鈔

卷一

四

漢皋權歌二首

昨宵襄水已盈科，江水今朝長幾多。生小煙波灣裏住，不知人世有風波。

伯牙臺下聽調絃，生與高山未作緣。祇恐此身逐流水，一篙撐定浪中天。

黃鶴樓用崔司勳韻

岷江東下四千里，來抱鄂州城上樓。黃鶴至今仍杳杳，白雲於世本悠悠。元規早攬全三楚，鄒衍能談大九州。臥榻詎容鼯睡穩，冥頑蛟鰐不知愁。

黃鶴樓疊崔韻

一回放膽一題壁，一作黃鶴磯邊黃鶴樓，霸業仙蹤俱寂寂。古人來者兩悠悠。前頭水濶疑無路，對面山多不占洲。安得長江變春酒，大呼太白與消愁。

觀龍挂作歌

同治甲戌夏四月，水龍無功井泉竭，園蔬焦卷田苗枯。老農望空眼流血，忽然白晝天晦冥。千人萬人聞龍腥，向道神龍不可見。出門一豁雙目睛，一龍匹練挂空際。上竟碧霄下竟地，未曾露爪先驚人。豈待出頭始駭世，一龍尾與一龍連。下自九淵援上天，四邊雲活風鼓浪。兩條水起炊升煙，東偏一龍更奇特。鱗甲渾身如漆黑，橫臥半空勢欲擎。同看百輩面

那處詩鈔

卷一

五

無色頗疑天上銀河，乾長空萬里無波瀾。羣仙玉液煉不得，龍尾車成從下翻。又疑癡龍不作雨，在天也受亢陽苦。涸鱗向誰求，斗升來飲人閒少。少許旁人謂我君，勿疑武庫摩陂無此奇。膚寸崇朝徧六合，龍所馮依龍自爲。電掣雷碎雨不止，兒童拍手老農喜。果然好生天地心，明日定報偃苗起龍挂後歌。

廿三日觀龍挂作歌，既而東南兩鄉人言一在田家橋一在皮家窯，並述其形狀甚詳，作後歌以紀其事。

虎來必有風，白晝藏匿深山中。鳳出必爲瑞，阿閣岐山纔一至。神龍飛上天，有時潛於淵。何能不潛不飛去，長使茲人占

在田亭午陰雲來不測太陽走匿四邊黑常時不見見斯須  
以足畫地撫不得相去愈近愈迷離是龍非龍了莫知祇疑  
身在霧中住一閃一爍風雷馳馳過始知龍天矯東雲一鱗  
西一爪纔推西舍藩柅傾又蹴東家牆壁倒頭一叩千丈強  
尾一縮細於竹颺叔安來儼可降支離益後誰能伏我聞兩  
處皆如此或在東鄉或南鄙不是刻期來如何同時起拔茅  
連茹信有之各恥暴鰓願燒尾一龍白如雪一龍黑如鐵白  
龍猶自可黑龍嚇殺我白龍但有煙上升黑龍煙下火騰騰  
龍雷之火術家說煜煜煌煌今有微欲雨不雨大雨雹有如  
栗子釜中爆炸工有意顯神奇團雪作丸冰作衣噫噓噓乖  
那處詩鈔

卷一

六

氣致異古所歎腐儒上稽洪範傳 九重天子正當陽乃  
有伏陰在天半今年旱魃勢方張望雨如望瓊玉漿病龍不  
解蘇禾稼秋來胡由歌豐穰不然甯可十邨五邨獨受害毋  
令百里千里同被殃搔首問天天茫茫  
詠史四首  
鳥飛兔走野雞狂類我何爲捨趙王不是周陳能並力漢家  
無復舊宗祊  
但有將心便不忠難辭大辟賞元功果然未學陳希哲相背  
先應斬蒯通  
焚餘圖籍賴搜羅無奈詩書闕佚多能察經文亭奏識張湯

端的勝蕭何  
不容飛將有奇勲萬馬爭穿塞上雲兩個遁侯皆外戚劉姚  
都尉大將軍

拳螳謠

揮拳擊螳蟻不死不若小兒輕按拍搏兔猶然精力全世間  
無此欽獅子一夫徇財貪已愚何況舉國皆狂且五餌願持  
賈生策長繩歸繫五單于

雜詩

歲莫常苦寒日莫常苦飢飢寒在一身不關中心悲前年太  
行道今年江漢湄旱魃一爲虐蛟龍再肆威窮民兩六合嗷

那處詩鈔

卷一

七

嗷將安之妖星起天末夜半光陸離未審何祲祥天道遠莫  
知腐儒百無補但問當道誰

洪山弔羅忠節公

大郡三淪沒堅矧四旁開焦頭遭奇禍方面失良材吳楚全  
機轉崇通一戰來大洪山下水終古咽餘哀

西風

只遇西風感便生三年一度旅江城雁方爲各過留影歸不  
欺人來有聲赤帝尙饒秋後暑素娥能放夜深明張華莫更  
看牛斗漢裏龍泉氣未平  
黃鶴樓再疊崔司勳韻

飛來飛去一黃鶴山外青山樓上樓挂眼滄江流浼浼驚心  
白日去悠悠芳開廷秀三三徑樓旁江城別墅爲江夏袁氏所築上接荆南  
九九州湘漢殊源同到海可能滌盡古今愁

讀曲歌十四首

何處求皇曲誰家得竈歌有梅須及棗就裏赤心多  
不歌歌無聲不舞舞無態昨日宵新梨終年蓄舊艾  
相送楚山頭郎心江水流窗前燈火盡欲見已無油  
蠟炬何心事通宵淚暗垂爲書黃絹字照我夜題碑  
燕子忽飛來行行春已晚儂身不出門心作磨盤轉  
三月采桑還四月繰絲畢一日一投梭終年不成匹

那處詩鈔

卷一

八

歡去弄湖水荷勢不見蓮儂心匪槐子卻落阿誰邊  
山下采蘼蕪道旁折楊柳明明不著泥知是誰家藕  
梅酸常在口菱刺常在手蓮子圖圖吞能知苦心否  
衣到稱身無郎歸向郎問可知刀尺閒與妾心同耐  
黃金散離落無數菊花開西風不作好吹送梧子來  
儂心秋後花風吹亦不落歡心春後冰外厚裏頭薄  
祇說當歸好誰知獨活難不緣醴代酒爲底到心酸  
相見每相惱惱郎郎不知祇今不相見卻憶相見時

孤舟

身世江湖萍梗浮還從三漾棹孤舟苔生石上留青眼蘆到

花時欲白頭螢火飛來知入夜棉衣典盡易成秋只今空著  
入山手不是不歸歸更愁

西風

梧桐葉落西風乾銀漢半空迴素瀾露下蟬聲矜宿飽雲間  
雁影逗新寒貧從病後食常減秋到愁邊衣覺單過去未來  
一輪月能無恨處幾團圓

沔陽感陳友諒遺事

眞王若屬漁家子此地當年漢沛宮無道先強見形勢乘時  
而起各英雄武昌建業成功異新市平林始事同惟說高皇  
能將將拔山力盡楚重瞳

那處詩鈔

卷一

九

登沔陽城樓

四平無地豁雙眸棄輿來登城上樓萬樹參差鶴鶴集重湖  
袞袞蛟龍遊出門寒衲走持鉢歸市老漁行棹舟疏濬未聞  
修築急年年災歎怨陽侯

送人

日日量衣帶於今定幾圍不堪爲客苦偏是送人歸世道肱  
三折關山手一揮鄉心隨落日更逐雁行飛

潛沔道中

無意尋春春未央更添新綠冒林塘鷺鷥飛破天碧胡蝶  
夢回花草香漢與江湖成表裏隄隨城市互低昂鳥鳴別有

傷心處不聽猿聲也斷腸

晚渡漢口

日莫瀾迴紫江平櫓劃圓市聲五方雜燈火萬星聯西北瞻  
天表東南望海墘漁翁垂餌足未得賣魚錢

過黃鶴樓故址三疊崔司勳韻

我從湖水沿江水不見江千百尺樓荷費似聞呼出出祿融  
無乃太悠悠惟餘鄂渚清邊石長對魯山山下洲莫羨仙人  
最高頂仙人却到也應愁

仿漁洋小樂府詠勝朝遺事十二首

親決鄱陽戰朱陳好不終功臣三十六遺廟大江東鄱陽戰

那處詩鈔

卷一

十

虎踞龍蟠地翻容燕子飛宮中三日火老佛幾時歸燕子飛

自古譚雄鬼忠貞死握拳可知鐵漢子枯骨不朝天鐵漢子

兩疏足千古五姦叢百邪椒山自有膽何用饋蚌蛇蚌蛇膽

不入中書死鈴山集可傳王雱能濟惡天遣配臨川鈴山堂

芒刺霍子孟平泉又海南勃如胎遠禍千古重臣三色勃如

天下事甯有貪贓楊大洪小臣受遺詔黨禍始移宮楊大洪

中樞雙肘掣萬里封豕裂門戶不能容惟餘一腔血一腔血

三十六天罡七十二地煞一網盡東林黨人百有八東林黨

慷慨平臺對思陵太不聰秦淮花月夜兒女識英雄平臺對

齊梁行樂地風月有情天公子桃花扇瑞兒燕子賤燕子賤

陵夷士氣衰開闢人才起洪武四先生宏光四公子四公子  
遊子吟四首

壬午館江陵令葉環圃丈所去家五十里去風木之悲二  
年矣感觸紛來愴然有作

我行五十里回憶那水源源頭有梓樹俯而念其根靈護豈  
云羸弱植依大椿就眠鶴已驚促起雞未聞後此愛羣孺前  
此憐長昆不如無母兒顧復尤恩勤半世奉杖履兩載違晨  
昏安得左右侍我身如我魂

我遊江水濱忽忽憶筑水春風堂上生階下羅桃李史課召  
兒來日鈔八十紙科試促兒歸舟行七百里滌囊幾蚨飛冷

那處詩鈔

卷一

十一

官一奴使蚨既化歸裝奴亦送遊子行路兒非難翻爲阿爺  
累殺水且未報何論甘與旨

江陵楚舊都都會今武昌三年一試士傀儡五登場自庚午

初試阿爺送再試阿爺望三試逮四五文字先審詳謂無玉  
之類亦無玉之光得雋事或有奈余鬚鬢霜此言猶在耳寸

寸權肝腸微倖萬分一何處報高堂

荊州江上游悄然思河州鍾毓堂師招至河陽典文字之役前年別爺去長

揖東諸侯兒歸勿大遽兒去勿暫留強顏爲兒笑背兒雙淚

流弱弟送我出欲出行復休又恐觸爺怒一步一回躊躇奈

甫旬日旬日成千秋親在盡人子無爲輕矯矯

詠懷古蹟三首 江陵作

漢祚已潛移將軍大出師敵謀遷許亟天意討曹遲後路來  
麟麓中原斷鼓輦仲謀豚犬耳何異景升兒

殿下不曾下河山擁舊封戴天猶與共同室竟難容整飾違  
天象燭書學祖龍惟餘開府宅蓬蒿想遺蹤

遠溯商家舊高皇立國年重權歸一相長策馭三邊任怨來  
虛謗持平仗後賢文孫能踵武灑血向南天

送楊景程 洛鑑之歸桐城

關西夫子今通儒論事不嫌科白殊詩愛延陵剛祭酒文兼  
嘉慶三陽湖吳頭楚尾日來往庾信羅含今有無歸與同人

那處詩鈔 卷一

三

話風雅莫牽姓字到狂奴

當陽

自昔當陽縣曾經入夢來高低屏四列遠近鏡雙開護岸排  
新柳尋碑剝古苔河山猶歷歷身到至今纔

謁關前將軍墓

無此一抔土中原猶建安垂垂漢火盡謾護松風寒山勢萬  
笏立漳流雙帶寬疑冢七十二何處問曹瞞

書陸劍南南園記後

爲問南園主何如畫錦堂祖孫太縣絕作記讓歐陽

詠曾侯

耆舊數湘鄉安陽後侯者步趨諸葛公一謹慎人也  
驅虎行

荆門有虎暴往往自西山出戕城外居民獻之師治荆之  
明年移檄山神虎相率遠去荆門故編縣地庾黔婁之舊  
治也喜後先異政有若合符作驅虎行紀之

荆門城西山連山山上何有有梯田山下何有有源泉引泉  
溉田世居此乃有依巖傍谷之人煙天既生人何生虎虎爲  
狸奴人爲鼠狂風一嘯藩柵開來與刺史爭此土吾州刺史  
古劉昆昔治江陵今荆門得民得心政不虎忍令此輩鉤爪  
鋸牙來踞蹲再拜稽首告山神虎爲神獸民吾人縱虎傷民

那處詩鈔 卷一

三

神不仁爲民逐虎民感恩不然上訴真宰聞殺機逆天天應  
嗔又或長戈彊弩與從事但資人力神安存果然神人通呼  
吸民居大安虎患息生我育我父母恩婦孺謳歌永無極君  
不見昌黎投文驅鱷魚纔一晝夜魚徙居不似宜興三十有  
六虎射殺猶煩趙大夫

唐人王昭君詩有爲妾傳書斬畫師句戲反其意二首

不用傳書到闕前君王自解惜嬋娟樊青劉白猶誅死誰守  
毛家百萬錢

兒女英雄共一時同看漢月各相思何人坐視孤軍沒未見

君王斬貳師

雜詩

冠蓋慕山林山林慕冠蓋慕非其有耳有亦不愉快冠蓋長  
安多終朝走塵壒八珍非所珍癖嗜菜根味維彼山林人五  
窮之所蓄夢爲侯與王奇想出天外種種逆將來悠悠過現  
在我思周易言思不出其位

荊州十首

西自峽江下北從襄漢來滄桑幾回變門戶兩重開勝著規  
碁局前籌付酒盃蒼茫四戰國誰是濟時才

南荒大開闢非復舊蠻荆力抵東西帝行分左右兵相臣多  
世族王子半公卿牧豎三年貴亡秦尚有名

那處詩鈔

卷一

古

頗疑陳范史一例說袁劉亦拒田豐策先從蒯越謀景雄甘  
僻縣羈旅任高樓後定遺經在猶應勝一籌

西來曾入鄂南下亦無梁氣足吞吳魏偷眞絕馬張馬張近見黃

馳中原威震豈監子禍包藏暫緩曹瞞死安然住許昌

王氣盡東洛往來戎馬喧河南誰境土陝右此藩垣東晉以

西粵宛天猶醉安危佛不言荆州佛寺最多陸沉十六國無

復問中原

操戈同室盡同室更操戈縱有老聃在其如于謹何龍光裁  
罷講石梵又傳譌人事一無恃漫言災異多

高王此建國一介東西馳朝貢尙中土富強非昔時空中飛

霹靂掌上蔬嬰兒未見輅車返堅城遂不支

自昨臨江土王湘縹緲日夕從削藩謀已決同室勢難容姁

姓三千載遼王十六宗龍山門外望馬鬣幾遺封

昭通王鎮將七十二人來尺寸皆天塹偏裨亦將才剛介

敗格麾下畢全科功最即名成剛忠勇火葬一之推忠勇

名濯港之再拜瞻遺像公聖像有香花前院開

極目城中外兼屯水陸營鼎分三衛所若布八旗兵世變今

方亟民浮氣不平適園嗟已逝憂國淚誰傾

石馬槽歌

荊州府署內有石馬槽相傳漢前將軍故物也歌以紀之

那處詩鈔

卷一

五

愚民紛紛好談古不知有梁何論楚惟於忠義不能忘漢前

將軍此開府將軍開府逾千年城郭已隨陵谷遷就令畫馬

壽八百至今也無繼素傳當塗典午迭興廢人失人得那堪

記三馬同槽天示之豈徒槽空馬亦斃將軍有神馬有靈凡

馬悉縮圉人驚槽平槽平爾何幸猶帶六朝苔薛青此槽不

得將軍馬牆陰棄擲誰知者又如馬不得將軍雖有人知知

亦寡天生桓侯將軍儔桓侯西去將軍留玉追之馬亦奇特

有無遺跡傳千秋我來摩挲一於邑對此茫茫百感集莫擲

沮漳江上頭恐有神龍夜深泣

雷叟行和曜卿

雷叟沙市之賣雞者以灾故舉生平所積七千錢盡捐之粥廠聶子首倡援筆和之

漢南江北秋冬交水積不退民苦澇欲去無之住無所二十萬眾聲嗷嗷大吏騰章達 九重重符疊檄開倉廩倉廩

不足出 天府五千餘萬青泉刀奉宣 國恩二千石謂謝師

第一清官來乘輅謂于次靡廢不舉隨不燭謂宜生意回東

舉洪灾奈自去年季春至田宅猶濇濇一飽不禁再四餓雖

有 天恩難久叨吁養飢民且勿號江津不少齊黔敖邇

者扶攜旬息至遠亦來往浮輕舫雷叟雷叟生蓬邇惻然念

此神魂消七十積錢七十萬一錢不使囊中韜竟不終韜不

那處詩鈔

卷一

六

浪使一使眾生歸覆燾假令何曾供老饕不然被服紈與綃

不然棟宇窮鐫鏘不然一呼盧雉梟又或甘作守錢虜無晝

無夜徒煎熬何如及身一揮霍媿殺同時鄉曲豪金石有敵

木有凋鄉曲之豪終焉逃雷叟無兒復無女明珠蚌胎非所

要貧人年穀語瓊瑣涪翁未足測英髦聶子作詩華袞褒從

此雷叟名不祇豈徒雷叟名不祇亦使足穀之翁大腹賈聞

之一拔楊朱毛再生恩同夏水闊萬口碑並荆山高上答

九重子惠元元意下慰使臣守臣心忉忉

送鴻甫之巫山二首

萬策盡焦卷胡爲君遠行九州梁益險三峽夏秋橫彈鋏無

長策吹簣有和聲遙知對牀夕惆悵故人情時其從兄在巫山差次

蚤讀高唐賦神遊六六峰艱難滅情思險隘迫心胸徑仄愁

飛鳥潭深隱伏龍相如最消渴且莫向臨邛

又一首

天下正多事吾儕方苦貧飢驅君亦爾安處世何人此去變

巫道歸來江漢濱相逢檢行篋詩筆定如神

感事四首

雙飛彩鳳九盤龍藻繪 神霄第幾重秦法連翩上良造

漢官竭蹶大司農遙天已苦情難達厚地猶虞力不翼誰繼

高堂隆上疏文驕立仗大從容

那處詩鈔

卷一

七

斗室經營徧八荒願輸散薄策靈長至元辟地日千里充國

屯田天一方便起老羅當道臥先招威鳳入雲翔金臺無限

雲山隔未見共球達 建章

沿邊不斷轉軍儲隔海如飛走羽書新進少年誠不揆中興

老將欲何如雕題舊俗歸心久垂翅前軍奮翼初入穴漸看

搖虎尾劇憐非種未全錮

同時西北兩天驕佛國山河久宋寥豆剖瓜分五天竺雪來

柳往幾星輶須知尺寸皆 王土好竭涓埃答 聖朝

莫似維州輕棄置長城不用李文饒

正月半阻風野泊是夕雪

記從元日雪雨雪又元宵四野地空闊孤舟人未寥狂風無處靜惡浪有時消樹樹銀花合天公爲解嘲

舟中望小孤山

乾坤鬱此一堆石亘古不隨江水流高下參差四立壁後先來往幾浮漚橫波隱隱常開眼淺黛盈盈欲上頭留得彭郎佳話在廿年前事已千秋

雪琴尙書以彭郎奪得小姑回句爲世傳誦

上海放舟大洋作

未瞻天北極先盡海西頭地欲連羣島人眞萃五洲分將新舊界容得古今流定有桑田日蛟龍不解愁

遠望

那處詩鈔

卷一

式

風吹不動水高立雲起無垠天下衆章亥廣輪一顧盼義娥晝夜交奔馳神龍宮闕事荒忽妖蜃樓臺光陸離正是四邊空闊處忘機沙鳥獨相隨

那處詩鈔第二卷

荆門蔣 楷則先

曉行出

無定河邊星影搖固安城外月輪高霜風夜半襲窗入蹙縮一身如蜩毛起視銀河半明沒寒雞喔喔征鞍發玉人歌舞鳳城西紅燭高燒初見跋

濟南

隨處泉源湧明湖一鑑開四門關不住山色入城來

自姚工回涉南見華山作

疏林放出好峯巒知有征夫歲莫還無數人家遮不住一邨

那處詩鈔

卷二

一

落外一華山

涉南初春二首

何處倡家女誰家游俠兒往來兩不避各自東西馳

東嶽何年廟角龍百戲陳出城路不遑到處人看人

黃河

由來出星宿不復下雲梯何代無堯水而今但縣隄鯨宮徙千乘雁戶去三齊禹蹟終難復都城礪石西

齊東工竣王美東大令饒於隄上大風塵起卽席作歌

常筵白晝天無靈虎嘯一聲山岳摧東竄西突已復定須肩寸寸埋寒灰天低磬地裂起辟歷過去山殷雷屋瓦參差

蔽不得礪沙細細團作堆兩閒噫氣一飲薄群逞鬪凡相疑  
猜封十八塲弄狡獪太虛故故點飛埃百靈千怪肆惶惑門  
狠無異狼與豺太華掌擘巨靈斷滄溟尾掉長鯨開化工或  
者主齊物百千萬億兆京垓青黃白黑了不辨無復彼此真  
形骸我輩自負好身手揮戈難撥陽烏回睇明塞聰百無用  
門外僕隸驚且歎如自瓦窰自煉穴衣間片片泥乾纔不鳴  
條世那得爾太史書之甯非灾我欲棄之走萬里凌雲直上  
東蓬萊天闢九重談蕩蕩下土臣某陳所憂卻奈凡骨重難  
舉紅塵墜落天安排陰陽乖盤事不屬有酒且傾三百杯

籠鳥四首

那處詩鈔

卷二

二

隨意游翔山四圍昔年曾此羽毛肥自來檐宇下邊住難向  
軀棲高處飛鵬血儘紅仍欲泣烏頭不白可能歸何人買到  
平原放依舊鴈身上翠微

廬下誰能惜羽翰平時欲見主人難瓶罈易罄腸空轉勺水  
無多咽任乾亦有雞鵲相慰藉何來麋鹿共盤桓縱橫織就  
纖纖竹也抵湘簾一樣看

鏤玉雕金製作工栖遲可與故山同偶思休沐難求水未得  
翻飛嬾試風乳燕梁閒猶母子文鴛江上自雌雄能言不敢  
無言苦別恨霽愁孰爲通

局促樊籠未剪毛時來儻與鶴爭高閒中照水文章富夢裏

凌雲意致豪太液太倉供飲啄春山春樹足遊敖神鷹俊鶴  
皆同病誰向檐前爲解絲

明湖

香滿四城荷滿湖花光萬頃紅雲鋪酒燈人影日來往絲竹  
肉聲時有無家到三秋足袞袞地分万字長蒲蘆何當寫上  
鵝溪絹一度游蹤一畫圖

鐵公祠

春風皺綠一湖水流霞影掣暮山紫蘆芽茁茁野鳬肥柔櫓  
一聲驚欲起螭首龜趺挾城肯鐵公鐵公鐵漢子遼東化鶴  
雲表歸城郭猶是人民非

那處詩鈔

卷二

三

送潘彬卿廉訪之塞鄭州決口二首

飛電傳 天語迴瀾仗老成全河正東注大局忽中更梁  
宋嬰災酷江淮得助橫 廟謨南顧切健竹衛民生

萬姓流離苦三齊氾濫同河流九道外 天眷八方中疏  
濬傳家法縣量倚國工兩方爭論亟 東河出鐵門關南河出  
甚力 何以論羣蒙 雲梯關明帥主分流吳

秋懷詩十首

江南有橘樹叅實何離離鳩鵲各會晴鵲巢鳩居之秋來鳩  
化鷹江北橘爲枳時地一不同誰能推測此

塞鴻來如賓橋燕去如客家有二頃田何爲遠行役今朝理

書策明日挂帆席一歲半道涂流光付虛擲人生知己難彼此兩相擇但得國土一強於衆人百荆山無卞和埋沒連城壁無若宋人然終身窹燕石

種棘棘挂衣種樹樹留蔭長育心無窮艱鉅力能任宵小工譖人如水日夕浸易食甯食砒甘飲甯飲鴆諛直一以殊不覺傾倒甚允矣高士高終身廡下賃

白蓮開滿池對水如對鏡逸品飄然仙時妝那得並所居離世氛愛好亦天性受雨心不濡當風骨猶勁怕隨秋花枯點與春芳競願奉此瓣香泥塗大清淨

蒲柳分秋零蘭蓀乃共悴未知天地心於此有無意有意齊

那處詩鈔

卷二

四

厲施胡爲生使異如其無意然婉變亦奚貴是豈冥無知不然胡憤憤吾行吾所安安用事趨避

雨過秋有聲涼蟲階下泣風來秋有形落葉階上集薄莫多悲心當階時佇立

嚴霜殺百草何草無根莖次第百花盡何花落不開非時且勿歎自有春風來

清風來徐徐殘暑歛未斂蚊至先有聲如雷耳不掩誰將千金軀供汝一夕嘆譏夫利喙張買人碩腹儼手纔膚際捫血

已掌中樂汝命由來輕余心終自歎

窗前明月滿清影飾庭柯寂寂閉門坐將如良夜何盈盈一

樽酒穆穆千頃波勸月月不飲素顏無由酤淒清檐際風皎潔天半河落葉爲我舞鳴蟲爲我歌

束髮秉故尚性如金石堅又如一方鐵百磨不能圓勉強抑不發全力隄障川隄障有時決川流來無邊縱心奮一往甯缺無苟全縛虎置檻阱有死不求憐修綆汲淺水其餘多糾纏何當掬肝膈一訴蒼蒼天

雜感四首用兩當軒韻

莫怪年來氣不揚歌場歡笑事全忘境同寒藥論甘苦情與哀絲較短長潤欲如膏雕後璞柔能繞指鍊餘鋼冬郎未似飛卿薄楚雨秦雲也斷腸

那處詩鈔

卷二

五

荷葉田田欲上城明湖百頃綠生生燕南趙北無雙譜齊石河西第一聲偶爾都人看衛玠何曾長者識陳平天涯處處生芳草解讀離騷便有情

競將琴曲許輪囷幾見風流澹宕人小史自應蘭作佩大沽曾苦桂爲薪學成材藝名居上生就芳華相不貧能辨鄭聲非雅曲教坊端的比成均

曾聽公絃一再彈茶寮差比酒樓寬誰家琢玉安碁局到處鎔金作彈丸同在花前各眞賞偶來壁上儘閑觀從今著步須教穩莫被旁人促上竿

疊前韻四首

少年才氣劇飛揚，月地雲階夢不忘。西向長安知日近，東流江水與天長。磨除豪興千盤石，劃斷柔情百鍊鋼。縱使阮生能白眼，未應盧綰有它腸。

敝車羸馬走譚城，一入樊籠百感生。催我書成新雁影，撩人愁起亂蟲聲。噓寒吹暑天裁正，剗垤填坳地始平。冬夏不同山澤異，誰知大造本無情。

鏡中肝膽照輪囷，歷落欽奇可笑人。誰識亭椽中長笛，自知車軸本勞薪。胸無蕙芥何曾隘，腹有詩書不算貧。亦醉亦醒亦清濁，行吟休似楚靈均。

憂時有淚不須彈，放眼滄溟眼界寬。要斷長江非鐵鎖，能封

那處詩鈔

卷二

六

函谷詭泥丸，積薪火重焦。頭賞爛斧，棋憑袖手觀。蚤晚粗酬恩地了，五湖深處一漁竿。

別歌者蘭郎四首邀小軒同年同作

自古情難盡，銷魂別最多。今宵共燈燭，明日渺山河。遠岸黏天草，方塘貼水荷。出門便橫槳，黛與橫波。

海石蓮湖最宜南，菊部來筵晷晷沒。骨楚潤花初，胎璠席月飛入珠簾風捲開。行雲不應過，留與暫裴回。

聽說秦青技能歌，李白詞才逢那忍。別未見已相思，似此爪痕淺。知誰心性，癡願爲鐵門限。闌住馬遲遲，不放搜行篋。京塵舊浣衣，昨非今可是。遲去早當歸，能香登

華麓頻煩望 帝畿還車就菊酒，莫與素心違。樓上笑一首過平原弔平原君

帷中嘻兵加齊樓上笑，客去趙璧音榮嫋。樓下趨美人樓上吹笙，笑美人笑眉齒。璧音怒裂毗，怒不洩。聆不雪，璧音怒眾客去矣。去矣矣，不可留有客。無客平原羞，璧音依然。璧音足美人失，卻美人頭。美人頭輕於溫，璧音足重於玉。平原愛士士知歸，舉袂成雲汗雨揮。敵國聞之憚不發，胡爲尚有邯鄲圍邯鄲之圍久不撤，門下迄無尺寸策。平原望信陵，信陵望侯生。侯生進如姬，美人安可輕。跛者卻克晉，上卿璧音者下士何不平。蕭同叔子不爲質，美人一笑死。無日咄咄平原殺人

那處詩集

卷二

七

媚人求士得士百無一，眞得一眞士。王反手合從連衡安足論，君不見霸齊一仲父。下齊一望諸君管樂，尙如此何況有莘之野與渭水之濱。平原食客何紛紛，毋乃好之非其倫。一

毛遂外盡碌碌毛生薛生傷哉貧

通州道中

塵俗日奔走，名僧都未逢。不知何處寺，樹裏一聲鐘。世事

東望樂浪郡，西瞻懸渡河。日南蛟鰐集，斗北虎狼多。世事已如此，天心終若何。斧柯不在手，把酒且高歌。

與文鹿瀛仙登歷山